



Joint Council for
Qualifications

**TGAU, TAG,
Prif Ddysgu a Phrojectau
(gan gynnwys Project Estynedig)**

Gwasanaethau Ar ôl y Canlyniadau

- Gwiriadau clerigol
- Adolygiad o'r marcio gwreiddiol
- Adolygiad o'r safoni gwreiddiol
- Dychwelyd Sgriptiau

**Gwybodaeth ac arweiniad i ganolfannau ar
gyfer arholiadau yn y cyfnod:**

Mehefin 2015 a Thachwedd 2015

Cynhyrchwyd ar ran:



PEARSON



Cysylltbwyntiau yn y Cyrff Dyfarnu

Corff Dyfarnu	COFRESTRU, CYFLWYNO A GWYBODAETH AR-LEIN DYLID CYFLWYNO CEISIADAU AR-LEIN	Rhif ffôn Rhif ffacs (dim ond os nad oes modd gwneud cais ar-lein y dylid gwneud ceisiadau drwy ffurflen)	Cyfeiriad post (dim ond os nad oes modd gwneud cais ar-lein y dylid gwneud ceisiadau drwy ffurflen)
AQA	e-AQA www.aqa.org.uk Dewiswch y ddolen gyswllt e-aqa I gofrestru, ewch ar-lein neu ffoniwch: 0844 209 6614	Ffôn: 0844 209 6614	AQA Stag Hill House Guildford Surrey GU2 7XJ Os na all canolfannau gyflwyno cais gan ddefnyddio e-AQA dylent ddefnyddio'r ffurflenni CGC sydd ar gael i'w llwytho i lawr o gof bach y CGC Gwanwyn 2015.
CCEA	www.ccea.org.uk I gofrestru ewch ar-lein neu cysylltwch â'r Centre Support Section ar 028 9026 1200 est 2410 neu 2443 centresupport@ccea.org.uk	Ffôn: 028 9026 1451 Ffacs: 028 9026 1290	CCEA Clarendon Dock 29 Clarendon Road Belfast BT1 3BG
City & Guilds	www.cityandguilds.com Am wybodaeth e-bostiwch policy@cityandguilds.com	Ffôn: 020 7294 2772 Ffacs: 020 7294 2416	City & Guilds 1 Giltspur Street Llundain EC1A 9DD
OCR	Interchange www.ocr.org.uk I gofrestru ewch i www.ocr.org.uk neu cysylltwch â'r Customer Contact Centre yn OCR ar 01223 553998	Ffôn: 01223 553998	Os nad yw canolfannau'n gallu cyflwyno cais trwy Interchange dylent gysylltu â'r Customer Contact Centre yn OCR ar 01223 553998.
Pearson	Edexcel Online www.edexcelonline.org.uk I gofrestru am Edexcel Online cysylltwch ag Edexcel Online Support ar 0844 576 0024 neu www.edexcel.com/help	Ffôn: Canolfannau cartref: 0844 463 2535 Canolfannau rhyngwladol: +44 (0) 1204 770696	Os nad yw canolfannau'n gallu cyflwyno cais gan ddefnyddio Edexcel Online, dylent gysylltu â'r Tim Gwasanaeth Cwsmeriaid trwy ffonio: Canolfannau cartref: 0844 463 2535 Canolfannau rhyngwladol: +44 (0) 1204 770696
CBAC	Gwefan Ddiogel CBAC Error! Hyperlink reference not valid. I gofrestru anfonwch gais ar e-bost i securewebsite@wjec.co.uk gan nodi rhif y ganolfan, enw'r ganolfan ac enw cyswllt.	Ffôn: 029 2026 5104 Ffacs: 01443 845643	Gwasanaethau Ar ôl y Canlyniadau CBAC Uned A16/17 Ffordd Gwaelod Y Garth Stad Ddiwydiannol Trefforest Pontypridd Rhondda Cynon Taf CF37 5XF

Cynnwys	Tudalen
ADRAN UN: Cyffredinol	
1. Cyflwyniad	1
2. Dyddiadau allweddol a therfynau amser Cyfresi Mehefin 2015 a Thachwedd 2015	2
3. Ffioedd	4
4. Ymgeiswyr preifat	4
5. Pa wasanaeth ar ôl y canlyniadau y mae ei angen arnaf?	5
ADRAN DAU: YAG ac Apeliadau	
6. Ymholiadau am Ganlyniadau (YAG)	
6.1 Cyfrifoldebau'r ganolfan	6
6.2 Cydsyniad yr ymgeisydd	6
6.3 Gwasanaethau Ymholiadau am Ganlyniadau	6
6.4 Cyflwyno ceisiadau	9
6.5 Cydnabyddiaeth	9
6.6 Canlyniad ymholiadau	9
6.7 Os oes gan ganolfan bryderon am farcio carfan yn y ganolfan	10
6.8 Marciau'r Raddfa Marciau Unffurf (GMU)	11
6.9 Ymgeiswyr yn camymddwyn	11
7. Apeliadau	12
ADRAN 3: Dychwelyd Sgriptiau	
8. Dychwelyd Sgriptiau (DS)	
8.1 Trefniadau dychwelyd sgriptiau arholiad wedi'u marcio	13
8.2 Amodau'r gwasanaeth Dychwelyd Sgriptiau (DS)	13
8.3 Hysbysu staff ac ymgeiswyr o'r gwasanaeth DS	14
8.4 Gwneud cais am gopïau blaenoriaethol o sgriptiau i gefnogi Ymholiadau am Ganlyniadau	14
8.5 Gwneud cais am sgriptiau i gefnogi addysgu a dysgu	14
8.6 Cynlluniau marcio	15
8.7 Storio sgriptiau	15
8.8 Ymyrryd â sgriptiau copi caled gwreiddiol (os ydynt wedi'u darparu)	15
8.9 Cael gwared ar sgriptiau	15
Atodiad A – Ymholiadau am Ganlyniadau ac Apeliadau – Ffurflen Cydsyniad yr Ymgeisydd a Gwybodaeth i Ymgeiswyr	16
Atodiad B – Ffurflen Cydsyniad yr Ymgeisydd i ddefnyddio sgriptiau arholiad	17
Atodiad C – Canllawiau – gwasanaeth Dychwelyd Sgriptiau	18
Atodiad Ch – Cwestiynau cyffredin	21

ADRAN UN: Cyffredinol

1. Cyflwyniad

1.1 Ceir tair adran i'r llyfryn hwn:

- **Adran Un** sy'n rhoi golwg gyffredinol ar broses y gwasanaethau ar ôl y canlyniadau;
- **Adran Dau** sy'n cyfeirio at Ymholiadau am Ganlyniadau (gwiriadau clerigol, adolygiad o'r marcio ac adolygiad o'r safoni) ac Apeliadau;
- **Adran Tri** sy'n cyfeirio at Ddychwelyd Sgriptiau.

1.2 Yn ogystal â'r llyfryn hwn, bydd y cyrff dyfarnu'n cyhoeddi eu canllawiau gweinyddol eu hunain ar wasanaethau ar ôl y canlyniadau. Dylech ddarllen y llyfryn hwn ynghyd ag unrhyw wybodaeth a gyhoeddir gan y cyrff dyfarnu.

1.3 **Nid yw'r** llyfryn hwn yn cyfeirio at y gwasanaethau canlyniadau coll ac anghyflawn (MIR) sy'n ymdrin â phryderon am y mathau canlynol o ganlyniadau:

- **'Dim canlyniad' (X)**
- **'Absenoldeb Rhannol' (e.e. D#);**
- **'Canlyniadau Coll'**
- **'Yn aros am ganlyniad' (Q).**

I ymholi am ganlyniad o'r fath, dylai canolfannau lenwi'r dogfennau perthnasol a gyflenwir gan y corff dyfarnu unigol.

Bydd y corff dyfarnu'n ymchwilio i'r ymholiad ac yn cyflwyno adroddiad amdano yn ddi-dâl. Gellir datrys y rhan fwyaf o'r ymholiadau ar y diwrnod canlyniadau penodol trwy wiriadau prosesu.

1.4 Gall ymgeiswyr TAG sydd wedi ennill digon o ganlyniadau uned i gael dyfarniad ond heb hawlio ardystiad wneud hynny'n adolygol trwy eu canolfant. **Rhaid i'r ganolfan gyflwyno'r cais i'r corff dyfarnu perthnasol cyn y terfyn amser a gyhoeddir ar gyfer y gyfres dan sylw.** Bydd pob corff dyfarnu'n cyhoeddi ei ganllawiau gweinyddol ei hun, a fydd yn rhoi manylion y dull o gyflwyno ceisiadau ac unrhyw dâl am y gwasanaeth hwn.

1.5 Mae darpariaeth gwasanaethau ymholiadau am ganlyniadau a gwasanaethau dychwelyd sgriptiau manylebau TGAU, TAG a Phrif Ddysgu'n cael ei llywodraethu gan **Adrannau 9 a 10** y *Cod Ymarfer TGAU, TAG, Prif Ddysgu a Phroject*, dyddiedig Mai 2011, y gellir edrych arno'n llawn ar y gwefannau canlynol:

- Gwefan Ofqual www.gov.uk/ofqual
- Gwefan Llywodraeth Cymru www.wales.gov.uk
- Gwefan CCEA www.ccea.org.uk

2. Dyddiadau allweddol a therfynau amser

2.1 Er mwyn i'r cyrff dyfarnu allu darparu gwasanaeth effeithlon, mae'n hollbwysig bod canolfannau'n cwrdd â'r terfynau amser a'r dyddiadau allweddol canlynol. Sylwer bod rhaid cyflwyno ceisiadau i'r cyrff dyfarnu erbyn y dyddiad cau perthnasol.

Rhaid i ganolfannau gyflwyno ceisiadau ar-lein trwy safleoedd allrwyd y cyrff dyfarnu.

2.2 Dyddiadau allweddol a therfynau amser cyfres Mehefin 2015

DYDDIAD ALLWEDDOL	YMHOLIADAU AM GANLYNIADAU (YAG)	DYCHWELYD SGRIPTIAU (DS)
13 Awst	<ul style="list-style-type: none"> Cyhoeddi canlyniadau TAG Cyhoeddi canlyniadau Prif Ddysgu Lefel 3 Cyhoeddi canlyniadau'r Project Estynedig Gellir gofyn am YAG yn awr 	<ul style="list-style-type: none"> Gall canolfannau ofyn am DS (i gefnogi addysgu a dysgu) <i>neu</i> DS (copiau blaenoriaethol o sgriptiau i gefnogi ymholiadau am ganlyniadau) ar gyfer sgriptiau TAG a Phrif Ddysgu Lefel 3 (Nid yw llungopiau blaenoriaethol o sgriptiau ar gael os gofynnir am YAG Gwasanaeth 2 Blaenoriaethol).
20 Awst	<ul style="list-style-type: none"> Cyhoeddi canlyniadau TGAU Cyhoeddi canlyniadau Prif Ddysgu Lefel 1 a Lefel 2 Cyhoeddi canlyniadau Project Sylfaen ac Uwch Gellir gofyn am YAG yn awr 	<ul style="list-style-type: none"> Gall canolfannau ofyn am DS (i gefnogi addysgu a dysgu) ar gyfer sgriptiau TGAU a Phrif Ddysgu Lefel 1 a Lefel 2
21 Awst	<ul style="list-style-type: none"> DYDDIAD CAU am YAG Gwasanaeth 2 Blaenoriaethol (cymwysterau TAG Safon Uwch a Phrif Ddysgu Lefel 3 yn unig) Y dyddiad olaf i gyrff dyfarnu dderbyn ceisiadau 	<ul style="list-style-type: none"> DYDDIAD CAU i gyrff dyfarnu dderbyn ceisiadau am gopiau blaenoriaethol o sgriptiau i gefnogi ymholiadau am ganlyniadau. (sgriptiau TAG a Lefel 3 Prif Ddysgu yn unig)
10 Medi		<ul style="list-style-type: none"> Y dyddiad olaf erbyn pryd y dylai canolfannau dderbyn copiau blaenoriaethol o sgriptiau i gefnogi ymholiadau am ganlyniadau (sgriptiau TAG a Lefel 3 Prif Ddysgu yn unig)
20 Medi	<ul style="list-style-type: none"> DYDDIAD CAU YAG: Y dyddiad olaf i gyrff dyfarnu dderbyn ceisiadau DYDDIAD CAU i gyrff dyfarnu dderbyn ceisiadau am ddyfarniadau pwnc hwyr (arholiadau TAG yn unig†). 	
21 Medi		<ul style="list-style-type: none"> Y dyddiad cynharaf* y dychwelir sgriptiau i gefnogi addysgu a dysgu i ganolfannau
4 Hydref		<ul style="list-style-type: none"> DYDDIAD CAU i gyrff dyfarnu dderbyn ceisiadau am sgriptiau i gefnogi addysgu a dysgu
13 Tachwedd		<ul style="list-style-type: none"> Y dyddiad* erbyn pryd y dylai canolfannau dderbyn sgriptiau
20 Tachwedd		<ul style="list-style-type: none"> Y dyddiad cynharaf i ganolfannau gael gwared ar sgriptiau diangen yn gyfrinachol

* Gellir gohirio dychwelyd sgriptiau os yw canolfan wedi gofyn am YAG yn yr un uned/gydran.

Mewn achosion eithriadol, lle cyhoeddwyd canlyniadau ar ôl y dyddiad cyhoeddi arferol, bydd y dyddiad cau ar gyfer cyflwyno ceisiadau yn cael ei ymestyn am gyfnod o'r un hyd.

Cyfres arholiadau TGAU Tachwedd 2015

- 2.3 Ar gyfer cyfres arholiadau TGAU Tachwedd 2015 dyddiad cau terfynol ceisiadau YAG yw **4 Chwefror 2016**.
- 2.4 Ar gyfer cyfres arholiadau TGAU Tachwedd 2015 y dyddiad cau terfynol i gyrff dyfarnu dderbyn ceisiadau am sgriptiau i gefnogi addysgu a dysgu yw **28 Chwefror 2016**.
- 2.5 **Ni dderbynnir ceisiadau sy'n cyrraedd ar ôl y dyddiad cau perthnasol.**
Am ragor o fanylion, gweler **adran 6.5 – Cydnabyddiaeth, tudalen 9**.

†Ar gyfer cymwysterau TGAU unedol yng Nghymru a Gogledd Iwerddon, cyfres arholiadau Ionawr 2016, gweler <http://www.jcq.org.uk/exams-office/key-dates-and-timetables>

Ar gyfer cymwysterau a chyfresi eraill, gweler gwefannau'r gyrff dyfarnu.

3. Ffioedd

- 3.1 Mae'r ffioedd am wasanaethau ar ôl y canlyniadau (Dychwelyd Sgriptiau ac Ymholiadau am Ganlyniadau) yn cael eu pennu'n annibynnol gan bob corff dyfarnu unigol.
- 3.2 Bydd cyrff dyfarnu'n cyhoeddi eu trefniadau eu hunain yn ymwneud â'r ffioedd a godir am wasanaethau Dychwelyd Sgriptiau ac YAG.
- 3.3 Yn achos gwiriadau clerigol ac adolygu'r marcio ar ôl y canlyniadau, ni chodir ffi YAG os bydd y graddau pwnc yn cael eu newid.
- 3.4 Yn achos adolygiadau o'r safoni ar ôl y canlyniadau, ni chodir ffi YAG os bydd marciau'r ganolfan yn cael eu hadfer.
- 3.5 Lle gwneir cais am sgriptiau fel rhan o'r gwasanaeth Dychwelyd Sgriptiau, bydd y cyrff dyfarnu fel arfer yn anfonebu'r ganolfan ar ôl cyflenwi'r sgriptiau.

4. Ymgeiswyr preifat

Bydd cyrff dyfarnu'n derbyn cais am ddychwelyd sgriptiau neu ymholiad am ganlyniadau yn uniongyrchol gan ymgeisydd preifat. Fodd bynnag, bydd corff dyfarnu'n gofyn am brawf o hunaniaeth a gall hefyd ofyn am dalu'r ffi briodol cyn prosesu'r cais. Mae gan ymgeiswyr preifat y dewis hefyd o ofyn i'w canolfan gyflwyno'r cais ar eu rhan yn y lle cyntaf. Gall ymgeisydd preifat apelio i'r corff dyfarnu os yw ef/hi'n anfodlon o hyd am ganlyniad ymholiad am ganlyniadau.

Mewn unrhyw fath o gyfathrebu â chorff dyfarnu, dylai ymgeisydd preifat nodi'n glir ei fod/ei bod yn ymgeisydd preifat. Wrth lenwi ffurflen JCQ EAR, dylai'r ymgeisydd preifat gofnodi ei enw yn y maes 'enw'r ganolfan' a nodi ei gyfeiriad. **Rhaid** iddo/iddi lofnodi'r ffurflen a **rhaid** cynnwys ffi am y gwasanaeth gyda'r ffurflen gais.

Pan fydd ymgeiswyr preifat yn gwneud cais yn uniongyrchol i gorff dyfarnu, dylid cysylltu â'r corff dyfarnu perthnasol **cyn** y dyddiad cau perthnasol er mwyn gallu cael copi o'r ffurflen JCQ EAR.


Diffiniad Ofqual, rheoleiddiwr cymwysterau Lloegr, o ymgeisydd preifat yw: 'Ymgeisydd sy'n dilyn cwrs astudio'n annibynnol ond yn cofrestru ac yn sefyll arholiad mewn canolfan arholi gymeradwyedig. Rhaid i'r sefydliad dyfarnu dderbyn unrhyw fath o ohebu ynglŷn â dychwelyd sgriptiau neu ymholiadau am ganlyniadau yn uniongyrchol gan yr ymgeisydd preifat.'

I gael gwybodaeth am Ymholiadau am Ganlyniadau, gweler **adran 6, tudalen 6**.

I gael gwybodaeth am Apeliadau, gweler **adran 7, tudalen 12**.

I gael gwybodaeth am Ddychwelyd Sgriptiau, gweler **adran 8, tudalen 13**.

5. Pa wasanaeth ar ôl y canlyniadau y mae ei angen arnaf?



ADRAN DAU: YAG ac Apeliadau

6. Ymholiadau am Ganlyniadau (YAG)

6.1 Cyfrifoldebau'r ganolfan

6.1.1 Gwnewch yn siŵr bod holl aelodau staff y ganolfan yn gwbl ymwybodol o'r broses Ymholiadau am Ganlyniadau. **Rhaid i ganolfannau roi gwybod i'r ymgeiswyr am y trefniadau Ymholiadau am Ganlyniadau cyn iddynt sefyll unrhyw arholiad(au).**

6.2 Cydsyniad yr ymgeisydd

6.2.1 **Rhaid i ganolfannau gael cydsyniad ysgrifenedig yr ymgeisydd am wiriadau clerigol ac adolygiadau o'r marcio ar ôl y canlyniadau, gan y gallai marciau a graddau pwnc yr ymgeiswyr gael eu gostwng gyda'r gwasanaethau hyn.**

- **Rhaid** hysbysu ymgeiswyr o'r canlyniad posibl hwn a darparu eu cydsyniad gwybodus cyn cyflwyno unrhyw gais.
(Mae **Atodiad A, tudalen 16** yn rhoi awgrym o ffurflen y gall canolfannau ei defnyddio. **Mae cydsyniad gwybodus gan yr ymgeisydd drwy e-bost yn dderbyniol hefyd.**)
- **Rhaid** i'r ganolfan gadw ffurflenni cydsyniad a'u cadw am chwe mis o leiaf ar ôl canlyniad ymholiad am ganlyniadau neu unrhyw apêl ddilynol.
- Mae cais ar-lein yn cynnwys cadarnhad i'r corff dyfarnu bod cydsyniad gwybodus yr ymgeisydd wedi'i gael.
(Mae cyflwyno ffurflen gais wedi'i llofnodi'n gwneud yr un peth.)

6.2.2 **Nid** oes angen cydsyniad ysgrifenedig yr ymgeisydd am **adolygiad o'r safoni ar ôl y canlyniadau** gan y gellir gostwng marciau ymgeiswyr ond **ni fydd eu graddau pwnc cyhoeddus yn cael eu gostwng** yn y gyfres dan sylw. Fodd bynnag, dylai canolfannau fod yn ymwybodol y gellid trosglwyddo marc wedi'i ostwng i ardystiad yn y dyfodol. Er enghraifft, os yw marc gwaith cwrs sy'n cyfrannu at ddyfarniad UG yn cael ei ostwng o ganlyniad i adolygiad o'r safoni, bydd y radd UG yn cael ei gwarchod, ond bydd y marc is yn cyfrannu at unrhyw ddyfarniad Safon Uwch dilynol.

6.3 Mae'r cyrff dyfarnu'n cynnig y gwasanaethau Ymholiadau am Ganlyniadau canlynol.

6.3.1 Gwasanaeth 1 (Ailwiriad clerigol)

Ailwiriad yw hwn o'r holl weithdrefnau clerigol sy'n arwain at gyhoeddi canlyniad.

- **Cyflwynwch y cais ar lein.**
- Mae angen cydsyniad yr ymgeisydd (**gweler adran 6.2**).
- **Rhaid** i'r corff dyfarnu dderbyn y cais **erbyn 20 Medi 2015** ar gyfer **cyfres Mehefin 2015**.
- **Y terfyn amser ar gyfer cwblhau'r gwaith yw o fewn 20 diwrnod calendr i dderbyn y cais gan y corff dyfarnu.**

Bydd y gwasanaeth hwn yn cynnwys y gwiriadau canlynol:

- bod holl rannau'r sgrïpt wedi cael eu marcio;
- cyfansymu'r marciau;
- cofnodi'r marciau;
- **os gwneir cais**, llungopi o'r sgrïpt(iau) wedi'i ailwrio i'r unedau/cydrannau hynny a gynhwyswyd yn y gwasanaeth Dychwelyd Sgrïptiau.

Adroddir canlyniad yr ailwiriad ynghyd â datganiad o'r cyfanswm marciau am bob uned neu gydran a gynhwysir yn yr ymholiad.

Ailwiriadau clerigol Gwasanaeth 1 yn unig y gellir gofyn amdanynt am brofion gwrthrychol (profion dewis lluosog).

6.3.2 Gwasanaeth 2 (Adolygiad o'r marcio ar ôl y canlyniadau)

Mae'r gwasanaeth hwn yn cynnig adolygiad o'r marcio gwreiddiol i sicrhau bod y cynllun marcio y cytunwyd arno wedi'i gymhwyso'n gywir. **Mae'r gwasanaeth hwn ar gael ar gyfer y cydrannau a asesir yn allanol mewn manylebau unedol neu linol.**

- **Cyflwynwch y cais ar lein.**
- Mae angen cydsyniad yr ymgeisydd (**gweler adran 6.2, tudalen 6**).
- **Rhaid i'r corff dyfarnu dderbyn y cais erbyn 20 Medi 2015 ar gyfer cyfres Mehefin 2015.**
- **Y terfyn amser ar gyfer cwblhau'r gwaith yw o fewn 30 diwrnod calendr i dderbyn y cais gan y corff dyfarnu.**

Bydd y gwasanaeth hwn yn cynnwys:

- yr ailwiriadau clerigol a nodir yng Ngwasanaeth 1;
- adolygiad o'r marcio fel y disgrifir uchod;
- **os gwneir cais**, llungopi o'r sript(iau) wedi'i adolygu i'r unedau/cydrannau hynny a gynhwysir yn y gwasanaeth Dychwelyd Sriptiau. (Os yw natur yr uned/cydran yn golygu na ellir trefnu dychwelyd sriptiau, megis profion Siarad TAG UG a TAG U2 Iaith Dramor Fodern a asesir yn allanol, yna gellir gofyn am adroddiad/copi o'r daflen gofnodi. Bydd cyrff dyfarnu unigol yn cynghori canolfannau sut i wneud cais am adroddiad).

Os yw canolfan yn bryderus am farcio carfan gyfan yn y ganolfan, rhaid i chi gyfeirio at adran 6.7, tudalen 10.

Lle bynnag y bo hynny'n bosibl, bydd y corff dyfarnu'n sicrhau y bydd yr adolygiad o'r marcio ar ôl y canlyniadau yn cael ei wneud gan rhywun heblaw am yr arholwr gwreiddiol.

6.3.3 Gwasanaeth 2 Blaenoriaethol (Adolygiad o'r marcio ar ôl y canlyniadau)

Mae'r gwasanaeth hwn yr un peth â Gwasanaeth 2. **Fodd bynnag, dim ond os yw lle ymgeisydd TAG Safon Uwch neu ymgeisydd Lefel 3 Prif Ddysgu mewn addysg uwch yn dibynnu ar y canlyniad y mae'r gwasanaeth hwn ar gael.**

Ymdrinnir ag unrhyw geisiadau nad ydynt yn bodloni'r meini prawf hyn fel ceisiadau Gwasanaeth 2 arferol.

- **Cyflwynwch y cais ar lein.**
- Mae angen cydsyniad yr ymgeisydd (**gweler adran 6.2, tudalen 6**).
- **Rhaid i'r corff dyfarnu dderbyn y cais erbyn 21 Awst 2015 ar gyfer cyfres Mehefin 2015.**
- **Y terfyn amser ar gyfer cwblhau yw o fewn 18 diwrnod calendr i dderbyn y cais gan y corff dyfarnu.**

Lle bynnag y bo hynny'n bosibl, bydd y corff dyfarnu'n sicrhau y bydd yr adolygiad o'r marcio ar ôl y canlyniadau yn cael ei wneud gan rhywun heblaw am yr arholwr gwreiddiol.

6.3.4 Gwasanaeth 3 (adolygiad o'r safoni ar ôl y canlyniadau)

Proses yw hon lle bydd y safoni gwreiddiol yn cael ei adolygu er mwyn sicrhau bod y meini prawf asesu wedi'u cymhwyso'n deg, yn ddibynadwy ac yn gyson. **Sylwer na fydd y gwasanaeth hwn ar gael os yw marciau gwaith cwrs eich canolfan wedi'u derbyn heb eu newid gan y corff dyfarnu.**

- **Cyflwynwch y cais ar lein.**
- **Nid oes angen cydsyniad ymgeisydd (gweler adran 6.2, tudalen 6).**
- **Rhaid i'r corff dyfarnu dderbyn y cais erbyn 20 Medi 2015 ar gyfer cyfres arholiadau Mehefin 2015.**
- **Y terfyn amser ar gyfer cwblhau yw o fewn 40 diwrnod calendr i'r safonwr dderbyn y sampl gwaith gan y ganolfan.**
- **Cynhelir y gwaith o adolygu'r marcio ar y sampl wreiddiol o waith ymgeiswyr.**
- Gall yr adolygiad o'r safoni gynnwys adborth tebyg i'r hyn a ddarparwyd ar ôl y safoni gwreiddiol.
- Os adferir marciau'r ganolfan, ni fydd adborth yn cael ei roi.
- **Ni fydd adolygiad o'r safoni'n cael ei gynnal ar waith ymgeisydd unigol na gwaith ymgeiswyr nad oeddent yn y sampl wreiddiol.**

Nid oes modd adolygu'r safoni os yw marc asesiad dan reolaeth wedi'i drosglwyddo i gyfres ddilynol, e.e. o Fehefin 2014 i Fehefin 2015.

Rhaid i ganolfannau, sydd â'r sampl gwaith gwreiddiol yn eu meddiant, wneud yn siŵr ei fod yn barod i'w anfon a bydd manylion safonwr i anfon y gwaith ato'n cael eu darparu ar gyfer y canolfannau. Ni ddylid anfon gwaith a aseswyd gan y ganolfan pan gyflwynir y cais.

Rhaid i waith a gyflwynir am adolygiad o'r safoni:

- gael ei anfon at y safonwr o fewn **tri diwrnod gwaith - gall methiant i wneud hyn ohirio canlyniad yr ymholiad neu arwain at ganslo'r ymholiad;**
- bod yn waith gwreiddiol a gyflwynwyd i'w safoni;
- bod wedi'i gadw dan amodau diogel a heb ei ddychwelyd i'r ymgeiswyr.

Ni ellir ymgymryd â'r gwasanaeth hwn ar ddeunydd darfodedig onid oes modd darparu tystiolaeth addas (megis tâp fideo o berfformiadau theatrig). Dylai canolfannau nodi y gall fod angen iddynt gadw copi o'r gwaith os yw ymgeisydd yn bwriadu ailgyflwyno gwaith ar gyfer y cyfle asesu nesaf.

Cyngor: Rhaid i ganolfannau sy'n gweithredu fel rhan o gonsortiw gyflwyno ceisiadau ar ran pob canolfan yn y consortiw hwnnw. Ni all canolfannau unigol yn y consortiw ofyn am adolygiad o'r safoni ar eu rhan eu hunain yn unig.

Lle bynnag y bo hynny'n bosibl, bydd y corff dyfarnu'n sicrhau y bydd yr adolygiad o'r marcio ar ôl y canlyniadau yn cael ei wneud gan rhywun heblaw am y safonwr gwreiddiol.

6.4 Cyflwyno ceisiadau

Rhaid i ganolfannau gyflwyno ceisiadau ar-lein trwy safleoedd allrwyd y cyrff dyfarnu.

- 6.4.1 **Y gwasanaethau YAG cyhoeddedig yw'r unig gyfrwng i fynd i'r afael â phryderon am ganlyniadau.**
- 6.4.2 Lle nad yw'r ganolfan yn gallu defnyddio safle allrwyd corff dyfarnu, **rhaid** i'r ganolfan ffonio'r corff dyfarnu unigol ar unwaith.
- 6.4.3 **Ni** ellir derbyn llythyrau o bryder fel ceisiadau am wasanaethau YAG. **Rhaid** i ganolfannau sydd â phryderon o'r fath ddefnyddio'r gweithdrefnau ymholiadau am ganlyniadau cyhoeddedig. **Ni ddylai canolfannau anfon llythyrau o bryder gyda'u ceisiadau.**
- 6.4.4 **Rhaid** i bob cais gael ei gyflwyno (ac felly eu cefnogi gan y ganolfan) naill ai gan bennaeth y ganolfan neu aelod awdurdodedig o staff y ganolfan. Gall ymgeisydd preifat gyflwyno cais yn uniongyrchol i'r corff dyfarnu perthnasol. **Ni** fydd cyrff dyfarnu'n derbyn ceisiadau a gyflwynir gan unrhyw unigolion eraill, e.e. gan ymgeiswyr a gofrestrir trwy ganolfan neu gan rieni.
- 6.4.5 **Rhaid** i ganolfannau fod â gweithdrefn apelio ffurfiol y gellir ei defnyddio os na all canolfannau ac ymgeiswyr, neu eu rhieni neu ofalwyr, gytuno a ddylid cyflwyno ymholiad ai peidio. **Rhaid** i'r weithdrefn apeliadau ffurfiol gael ei rhannu'n eang. Felly, **rhaid** i ganolfannau ddwyn sylw ymgeiswyr a'u rhieni/gofalwyr at y weithdrefn apeliadau. Pan mae canolfannau'n penderfynu a ydynt am gefnogi ymholiad am ganlyniadau, dylent ystyried yr holl ffactorau perthnasol a rhoi cyfle rhesymol i ymgeiswyr neu eu rhieni/gwarchodwyr fynegi eu barn. **Dim ond gyda chanolfannau ac ymgeiswyr preifat y gall cyrff dyfarnu gynnal trafodaethau am ymholiadau am ganlyniadau.**
- 6.4.6 **Rhaid i ymgeiswyr ddarparu eu cydsyniad gwybodus am wiriadau clerigol ac adolygiadau o'r marcio ar ôl y canlyniadau (gweler adran 6.2, tudalen 6, ar gydsyniad yr ymgeisydd).**
- 6.4.7 **Rhaid** cyflwyno ceisiadau am bynciau unedol o fewn y cyfnod ymholiad yn syth ar ôl cyhoeddi'r canlyniadau am yr uned. **Ni ellir cyflwyno ceisiadau'n adolygol ar gyfer cyfres flaenorol.**
- 6.4.8 Gweler yr adran ar gysylltbwyntiau corff dyfarnu (ar du fewn y clawr blaen) am fanylion cyflwyno ceisiadau i'r cyrff dyfarnu.
- 6.4.9 Gall cyrff dyfarnu wrthod canslo ymholiad ar ôl iddo gael ei gyflwyno.

6.5 Cydnabyddiaeth

- 6.5.1 Cydnabyddir pob cais o fewn **7 diwrnod gwaith**.
- 6.5.2 Os na dderbynnir cydnabyddiaeth o fewn y cyfnod hwn, yna dylai canolfannau gymryd nad yw'r cais wedi'i dderbyn a chysylltu â'r corff dyfarnu dan sylw **ar unwaith**. Dylai canolfannau hefyd wirio cynnydd y cais yn rheolaidd.
- 6.5.3 Os na chysylltir tan ar ôl y dyddiad cau ar gyfer cyflwyno ymholiadau am ganlyniadau, nid oes rhaid i'r corff dyfarnu fynd ymlaen â'r cais ar-lein.

6.6 Canlyniad ymholiadau

- 6.6.1 Bydd canlyniad pob ymholiad yn cael ei gadarnhau gan y corff dyfarnu priodol.
- 6.6.2 Os bydd gradd wedi'i newid a thystysgrif wedi'i chyhoeddi'n barod, bydd tystysgrif newydd yn cael ei chyhoeddi sy'n dangos y radd ddiwygiedig, unwaith y bydd y ganolfan wedi dychwelyd y dystysgrif wreiddiol i'r corff dyfarnu.
- 6.6.3 Hysbysir UCAS am unrhyw newidiadau i raddau cymwysterau TAG a Phrif Ddysgu Lefel 3.
- 6.6.4 **Os bydd gradd wedi'i gostwng, ni fydd y cais yn cael ei dynnu'n ôl ac ni fydd y radd wreiddiol, uwch, yn cael ei hadfer.**

6.7 Os oes gan ganolfan bryderon am farcio carfan yn y ganolfan

6.7.1 Os oes gan ganolfan bryderon am un o'i charfanau mewn cydran/pwnc, yna:

- **rhaid i'r** ganolfan anfon ceisiadau sampl gynrychiadol, sy'n cynnwys tua 10% o'r garfan, a thalu am hynny;
- **dylai'r sampl fel arfer fod yn isafswm o 8 ymgeisydd.** Yn achos canolfan fawr iawn lle y byddai 10% fel arfer yn fwy nag 20, nid oes angen i ganolfannau gyflwyno mwy nag 20 cais ar gyfer y broses o adolygu'r marcio.

Gofynnir i chi nodi nad yw gweithredu fel hyn yn golygu y bydd corff dyfarnu'n mynd ymlaen i adolygu'r garfan gyfan yn awtomatig.

6.7.2 **Rhaid i ganolfannau gael cydsyniad ysgrifenedig yr ymgeisydd am adolygiadau o'r marcio ar ôl y canlyniadau, gan y gallai marciau a graddau pwnc yr ymgeiswyr gael eu gostwng.**

- **Rhaid** hysbysu ymgeiswyr o'r canlyniad posibl hwn a darparu eu cydsyniad gwybodus cyn cyflwyno unrhyw gais.
(Mae **Atodiad A, tudalen 16** yn rhoi awgrym o ffurflen y gall canolfannau ei defnyddio. **Mae cydsyniad gwybodus gan yr ymgeisydd drwy e-bost yn dderbyniol hefyd.**)
- **Rhaid** i'r ganolfan gadw ffurflenni cydsyniad neu negeseuon e-bost gan ymgeiswyr a'u cadw am chwe mis o leiaf ar ôl canlyniad ymholiad am ganlyniadau neu unrhyw apêl ddilynol.
- Mae cais ar-lein yn cynnwys cadarnhad i'r corff dyfarnu bod cydsyniad gwybodus yr ymgeisydd wedi'i gael.
(Mae cyflwyno ffurflen gais wedi'i llofnodi'n gwneud yr un peth.)

6.7.3 Os bydd pryderon y ganolfan yn parhau, hyd yn oed ar ôl derbyn yr adolygiad o'r canlyniadau marcio:

- dylai godi'r mater â'r corff dyfarnu **o fewn 14 diwrnod i dderbyn canlyniad yr adolygiad perthnasol olaf o ganlyniad marcio;**
- nid oes rhaid i ganolfan gyflwyno unrhyw dystiolaeth ategol megis proflenni, ystadegau neu lythyrau. Yr unig beth y mae'n rhaid i'r ganolfan ei wneud yw cyflwyno datganiad o'i bryder i'r corff dyfarnu perthnasol.

6.7.4 Bydd y corff dyfarnu'n adolygu'r achos, ac yn awdurdodi adolygiad marcio estynedig, os yw'n penderfynu bod tueddiad o dan-farcio sylweddol wedi'i ddatgelu. **Bydd y sampl yn cynnwys yr holl geisiadau a gyflwynwyd ar gyfer uned/cydran.**

- **Fel arfer diffinnir 'tan-farcio sylweddol' fel newid o fwy na 5% yng nghyfanswm marciau crai'r papur.**
- **Rhaid i 50% o leiaf o sampl y ganolfan fod wedi cael ei dan-farcio'n sylweddol i hyn gael ei ystyried yn 'duedd'.**
- **Ni** ddefnyddir newidiadau i raddau pwnc fel maen prawf i benderfynu a ddylid estyn YAG.
- Ni ellir derbyn tystiolaeth nifer fach iawn o ymholiadau am ganlyniadau fel tuedd.

6.7.5 Os yw corff dyfarnu'n fodlon bod angen cynnal 'adolygiad estynedig o'r marcio', gall ddilyn sawl trywydd gan ddibynnu ar ba bynnag un sy'n briodol ym marn y corff dyfarnu:

- adolygu marcio rhai ymgeiswyr neu rai ymatebion;
- adolygu marcio'r holl ymgeiswyr sy'n weddill yng ngharfan y ganolfan yn yr uned/cydran dan sylw;
- newid ystadegol i farciau crai'r ymgeiswyr sydd ar ôl yn yr uned/cydran dan sylw.

6.7.6 **Os yw corff dyfarnu'n cychwyn 'adolygiad marcio estynedig'**, dim ond cadarnhau neu godi marciau a graddau pwnc ymgeiswyr y gellir ei wneud; ni fydd marciau a graddau pwnc yn cael eu gostwng. (Gellir gostwng marciau a graddau pwnc ymgeiswyr a fu'n rhan o'r adolygiad marcio gwreiddiol.)

6.7.7 Os yw corff dyfarnu'n cychwyn 'adolygiad marcio estynedig', ni chodir ffi ar ganolfannau.

6.7.8 Os yw corff dyfarnu'n cychwyn 'adolygiad marcio estynedig' ni fydd y canolfannau'n cael eu hanfonebu am yr adolygiadau hynny y gofynnwyd amdanynt fel rhan o'r 'sampl gynrychiadol' (**gweler adran 6.7.1, tudalen 10**).

6.8 Marciau'r Raddfa Marciau Unffurf (GMU)

6.8.1 Gellir cael eglurhad o sut y cyfrifir marciau unffurf ar wefannau'r cyrff dyfarnu. Fodd bynnag, gallai'r canlynol fod yn ddefnyddiol:

- Marciau crai yw'r marciau a gofnodir ar sgrïptiau gan arholwyr – mae'r mwyafswm marciau crai yn wahanol yn ôl yr uned/cydran.
- Adroddir canlyniadau ymgeiswyr mewn pynciau unedol fel marciau unffurf – pennir y rhain ar gyfer pob uned/cydran gyda phwysiad cyfartal.
- Cyfrifir marciau unffurf o farciau crai.
- Ni fydd perthynas uniongyrchol amlwg rhwng marciau crai a marciau unffurf o angenrheidrwydd.
- Gall amrywiadau bychan mewn marciau crai arwain at wahaniaethau GMU mwy.
- **Bydd cyrff dyfarnu'n monitro canlyniad ymholiadau yn nhermau marciau crai nid marciau unffurf.**

N.B. Yn achos unedau Prif Ddysgu, bydd cyrff dyfarnu'n monitro canlyniad ymholiadau am ganlyniadau yn nhermau marciau crai ac nid sgorau pwyntiau.

6.9 Ymgeiswyr yn camymddwyn

6.9.1 Os darganfyddir camymddwyn ar ran ymgeiswyr yn ystod adolygiad o'r marcio ar ôl y canlyniadau neu adolygiad o'r safoni ar ôl y canlyniadau, bydd y sgrïpt/asesiad dan reolaeth/gwaith cwrs yn cael ei brosesu'n unol â dogfen y CGC *Amau Camymddwyn mewn Arholiadau ac Asesiadau – Polisiâu a Gweithdrefnau*. Efallai y bydd ymgeiswyr yn colli rhai neu'r cyfan o'u marciau, a bydd hyn felly'n effeithio ar y graddau a ddyfarnwyd.

7. Apeliadau

- 7.1 Mae'r broses apeliadau'n agored i ganolfannau neu ymgeiswyr preifat sy'n dal i fod yn anafodlon ar ôl derbyn canlyniad ymholiad am ganlyniadau. Dylai canolfannau neu ymgeiswyr preifat gyfeirio at gyhoeddiad y CGC *A guide to the awarding bodies' appeals processes* sydd ar gael ar wefan y CGC <http://www.jcq.org.uk/exams-office/appeals>
Mae'r llyfryn uchod yn rhoi manylion llawn prosesau apelio'r cyrff dyfarnu.
- 7.2 **Dim ond ar ôl i adroddiad am ganlyniad ymholiad am ganlyniadau gael ei gyflwyno i'r ganolfan neu ymgeisydd preifat y gellir cyflwyno apeliadau.** Os yw sgript wreiddiol wedi'i dychwelyd i ganolfan neu ymgeisydd preifat fel rhan o ymholiad am ganlyniadau, bydd ei diogelwch wedi'i beryglu ac **ni** all fod yn destun ymholiad nac apêl.
- Ni ellir cyflwyno apêl yn erbyn penderfyniad safoni ar ran ymgeisydd unigol.**
- 7.3 **Rhaid** cyflwyno apêl i'r corff dyfarnu perthnasol o fewn **14 diwrnod calendr i'r hysbysiad o ganlyniad yr ymholiad.**
- 7.4 **Pennaeth y ganolfan neu ymgeisydd preifat yn unig all gyflwyno apêl.**
- 7.5 **Rhaid** cyflwyno apeliadau'n ysgrifenedig a dylent nodi'n glir sail yr apêl.
- 7.6 **Rhaid** i sail yr apêl fod yn berthnasol i weithdrefnau'r corff dyfarnu neu sut y cafodd y gweithdrefnau gwasanaethau ar ôl y canlyniadau hynny eu gweithredu.
- 7.7 **Nid yw apeliadau fel arfer yn cynnwys adolygiadau pellach o farcio gwaith ymgeiswyr.**
- 7.8 Gall cyrff dyfarnu godi ffi am apeliadau. Ad-delir y ffi hwn os yw'r apêl yn llwyddiannus.

Rhaid i ganolfannau sicrhau eu bod wedi cyhoeddi gweithdrefn apeliadau ffurfiol i'w defnyddio mewn achosion lle nad yw canolfannau ac ymgeiswyr, neu eu rhieni/gofalwyr, yn gallu cytuno a ddylid cyflwyno apêl i'r corff dyfarnu perthnasol. **Rhaid** i'r weithdrefn apeliadau ffurfiol gael ei rhannu'n eang. Felly, **rhaid** i ganolfannau ddwyn sylw ymgeiswyr a'u rhieni/gofalwyr at y weithdrefn apeliadau. Dylai canolfannau, wrth benderfynu cefnogi apêl ai peidio, ystyried pob ffactor sy'n berthnasol. Hefyd, dylent roi cyfle rhesymol i ymgeiswyr a'u rhieni/gofalwyr fynegi eu barn. **Gall cyrff dyfarnu drafod apeliadau gyda chanolfannau ac ymgeiswyr preifat yn unig.**

ADRAN 3: Dychwelyd Sgriptiau

8. Dychwelyd Sgriptiau (DS)

Rhaid i ganolfannau gyflwyno ceisiadau ar-lein trwy safleoedd allrwyd y cyrff dyfarnu.

8.1 Trefniadau dychwelyd sgriptiau arholiad wedi'u marcio

8.1.1 Bydd y cyrff dyfarnu yn darparu trefn ddychwelyd sgriptiau wedi'u marcio i ganolfannau arholiad a'u hymgeiswyr i'r arholiadau canlynol:

- TAG Uwch ac Uwch Gyfrannol
- TGAU
- Prif Ddysgu

8.1.2 Mae 'sgript' yn cyfeirio at waith ysgrifenedig ymgeisydd sydd yn ganlyniad cydran a asesir yn allanol. **Nid** yw trefniadau Dychwelyd Sgriptiau'n gymwys yn achos cydrannau a asesir yn fewnol, profion llafar na thapiau sain/fideo.

8.1.3 Mae gwybodaeth ychwanegol i'w chael yn y ddogfen *Canllawiau – Gwasanaeth Dychwelyd Sgriptiau* yn **Atodiad C, tudalen 18**.

8.2 Amodau'r gwasanaeth Dychwelyd Sgriptiau (DS)

Dim ond o dan yr amodau canlynol y bydd cyrff dyfarnu'n rhyddhau sgriptiau i ganolfannau:

8.2.1 Athrawon sy'n aelodau o staff yn y ganolfan honno neu o fewn consortiwm o ganolfannau **yn unig** sy'n cael gweld sgriptiau neu dylent gael eu dychwelyd yn syth i'r ymgeiswyr.

8.2.2 Pan fydd staff addysgu'n bwriadu defnyddio sgriptiau i bwrpasau addysgu a dysgu neu fel enghreifftiau i fyfyrwyr eraill, **rhaid cael cydsyniad ysgrifenedig yr ymgeiswyr dan sylw o flaen llaw**.

Gellir ceisio'r cydsyniad hwn ond ar ôl i'r ymgeiswyr dderbyn eu canlyniadau am y gyfres arholiadau dan sylw. Mae gan ymgeiswyr sy'n rhoi eu cydsyniad yr hawl i gael gwneud eu sgriptiau'n ddienw cyn iddynt gael eu defnyddio.

Atodir ffurflen enghreifftiol i staff y ganolfan ei defnyddio wrth ofyn am gydsyniad ymgeisydd i ofyn am sgriptiau a'u defnyddio, sef **Atodiad B, tudalen 17**. **Mae cydsyniad ysgrifenedig yr ymgeisydd drwy e-bost yn dderbyniol hefyd.**

8.2.3 Mae gan ymgeisydd yr hawl i roi cyfarwyddyd i'w ganolfan i beidio â gofyn am ddychwelyd eu sgriptiau.

8.2.4 Gall corff dyfarnu ddal copïau gwreiddiol sgriptiau sy'n destun neu a fu'n destun ymchwiliad camymddwyn. Yn yr amgylchiadau hyn, gellir gofyn am lungopi o'r sgriptiau.

8.2.5 **Unwaith y bydd corff dyfarnu wedi dychwelyd sgript wreiddiol i ganolfan neu ymgeisydd preifat mae ei diogelwch wedi'i gyfaddawdu ac ni all fod yn destun ymholiad nac ymchwiliad mwyach.**

8.3 Hysbysu staff ac ymgeiswyr o'r gwasanaeth DS

- 8.3.1. **Gwnewch yn siŵr bod pob aelod o staff yn y ganolfan yn gwbl ymwybodol o'r rheolau ar gyfer y trefniadau hyn. Rhaid** i ganolfannau sicrhau bod ymgeiswyr yn ymwybodol o'r trefniadau dychwelyd sgriptiau cyn iddynt sefyll unrhyw arholiad(au) y mae'r trefniadau hyn yn weithredol ynddynt.

8.4 Gwneud cais am gopiâu blaenoriaethol o sgriptiau i gefnogi Ymholiadau am Ganlyniadau

Rhaid i ganolfannau gyflwyno ceisiadau ar-lein trwy safleoedd allrwyd y cyrff dyfarnu.

- 8.4.1. Bydd penaethiaid canolfannau'n gallu gwneud cais am gopiâu blaenoriaethol o sgriptiau TAG a Lefel 3 Prif Ddysgu cyn penderfynu a ydynt am gyflwyno ymholiad am ganlyniadau. **Nid yw'r gwasanaeth hwn ar gael ar gyfer ymholiadau am ganlyniadau Gwasanaeth 2 Blaenoriaethol arholiadau TAG a Lefel 3 Prif Ddysgu, nac am unrhyw ymholiadau sgriptiau TGAU a Lefelau 1 a 2 Prif Ddysgu.**

Cyngor: Os bydd ymgeisydd TAG Safon Uwch neu Lefel 3 Prif Ddysgu yn meddwl cael ymholiad am ganlyniadau Gwasanaeth 2 Blaenoriaethol, **ni ddylid** gwneud cais am gopi blaenoriaethol. Dylai canolfannau fynd ymlaen yn syth at ymholiad am ganlyniadau Gwasanaeth 2 Blaenoriaethol, gan mai cyfnod byr yn unig sydd ar gael i'r gwasanaeth hwn.

8.4.2 Rhaid cyflwyno ceisiadau i gyrff dyfarnu yn ddim hwyrach na **21 Awst 2015**.

- 8.4.3 Bydd canolfannau'n derbyn y copïau erbyn **10 Medi 2015** fan bellaf. **Bydd cyrff dyfarnu 'n darparu copïau caled neu ddelwedd electronig o'r sgript ar gyfer y canolfannau.**

Cyngor: Lle mae corff dyfarnu'n darparu delwedd electronig o'r sgript i'r ganolfan, gall gael ei anfon ymlaen ar e-bost at yr ymgeisydd a'r aelod perthnasol o staff y ganolfan.

Rhaid storio ffeiliau PDF electronig o sgriptiau'n ddiogel mewn ardal gyfyngedig ar rwydwaith cyfrifiadurol y ganolfan.

- 8.4.4 **Ni** fydd ceisiadau sy'n cyrraedd ar ôl y dyddiad cau yn cael eu derbyn.

- 8.4.5 Dylai canolfan sydd am gael copi o'r sgript sydd naill ai wedi bod yn destun ailwiriad clerigol neu adolygiad o'r marcio gyfeirio at **adran 6.3.1, tudalen 6 neu 6.3.2, tudalen 7**.

8.5 Gwneud cais am sgriptiau i gefnogi addysgu a dysgu

Rhaid i ganolfannau gyflwyno ceisiadau ar-lein trwy safleoedd allrwyd y cyrff dyfarnu.

8.5.1 Rhaid cyflwyno ceisiadau i'r cyrff dyfarnu yn ddim hwyrach na **4 Hydref 2015**.

- 8.5.2 **Ni** fydd ceisiadau sy'n cyrraedd ar ôl y dyddiad cau yn cael eu derbyn.

- 8.5.3 **Bydd canolfannau'n derbyn eu sgriptiau ar ôl 20 Medi 2015 ac yn ddim hwyrach na 13 Tachwedd 2015. Bydd cyrff dyfarnu naill ai'n darparu'r sgript wreiddiol neu ddelwedd electronig o'r sgript i'r canolfannau.**

Cyngor: Lle mae corff dyfarnu'n darparu delwedd electronig o'r sgript i'r ganolfan, gall gael ei anfon ymlaen ar e-bost at yr ymgeisydd neu'r aelod perthnasol o staff y ganolfan.

Rhaid storio ffeiliau PDF electronig o sgriptiau'n ddiogel mewn ardal gyfyngedig ar rwydwaith cyfrifiadurol y ganolfan.

- 8.5.4 Unwaith y bydd sgriptiau wedi'u hanfon ar ôl i gais gael ei dderbyn, ni ellir eu dychwelyd i'r corff dyfarnu gyda chais am ad-daliad.

8.6 Cynlluniau marcio

- 8.6.1 Bydd copi o'r cynllun marcio perthnasol ar gael i ganolfannau, trwy wefan y corff dyfarnu fel arfer ar ôl cyhoeddi'r canlyniadau.
- 8.6.2 Er mwyn i'r ymgeiswyr allu dehongli eu marciau, efallai y bydd canolfannau'n ystyried darparu cymorth priodol mewn achosion penodol. **Ni fydd y cyrff dyfarnu'n gallu darparu gwasanaeth o'r fath.**

8.7 Storio sgrïptiau

- 8.7.1 **Rhaid** i ganolfannau storio sgrïptiau'n ddiogel. Athrawon neu staff yn y ganolfan neu o fewn consortiwm o ganolfannau **yn unig** ddylai weld y sgrïptiau, neu dylid eu dychwelyd yn syth i'r ymgeiswyr dan sylw.

8.8 Ymyrryd â sgrïptiau copi caled gwreiddiol (os ydynt wedi'u darparu)

- 8.8.1 **Rhaid** i ganolfannau hysbysu staff ac ymgeiswyr na ddylid ysgrifennu ar sgrïptiau nac amharu â hwy fel arall cyn y dyddiad cynharaf i gael gwared arnynt – **20 Tachwedd 2015**.
- 8.8.2 Mae'n debygol y bydd ymgeiswyr, sydd wedi ymyrryd â sgrïptiau y gallai fod angen eu cael yn ôl i'w dychwelyd i'r corff dyfarnu yn gynharach na'r dyddiad hwn, yn cael eu cosbi yn unol â pholisiau a gweithdrefnau sefydledig y CGC yn ymwneud â chamymddwyn ymgeiswyr.
- 8.8.3 At ddibenion diogelwch, bydd cyrff dyfarnu'n llungopio sampl o sgrïptiau cyn eu dychwelyd i ganolfannau (**gweler Atodiad C, tudalen 18**).

8.9 Cael gwared ar sgrïptiau

- 8.9.1 Os yw athrawon wedi defnyddio sgrïptiau i bwrpasau addysgu a dysgu ond nad ydynt am eu cadw mwyach, **rhaid** iddynt wneud yn siŵr eu bod yn cael gwared arnynt mewn ffordd gyfrinachol.
- 8.9.2 Mewn achosion o'r fath, **ni ddylid** cael gwared ar y sgrïptiau cyn **20 Tachwedd 2015** rhag ofn y bydd y corff dyfarnu'n gofyn am gael dychwelyd rhai sgrïptiau, er enghraifft, at ddibenion ymchwil.
- 8.9.3 Ar yr achlysuron annhebygol hynny pan fydd un neu fwy o sgrïptiau gwreiddiol sy'n rhan o YAG wedi'u hanfon i ganolfan gyda chais grŵp, bydd y corff dyfarnu'n anfon cyfarwyddiadau at y ganolfan.
- 8.9.4 Dylai canolfannau nodi y bydd cyrff dyfarnu'n dinistrio'r holl sgrïptiau sydd dros ben ar ôl tynnu allan y rhai y bydd eu hangen yn ôl y drefn ddychwelyd, ymholiadau am ganlyniadau, apeliadau ac at ddibenion ymchwil. Ceir gwared ar sgrïptiau mewn ffordd gyfrinachol.

ATODIAD A



AQA

City & Guilds

CCEA

OCR

Pearson

CBAC

YMHOLIADAU AM GANLYNIADAU AC APELIADAU

Ffurflen cydsyniad yr ymgeisydd

Gwybodaeth i ymgeiswyr

Mae'r wybodaeth ganlynol yn egluro beth all ddigwydd yn dilyn ymholiad am ganlyniad ac unrhyw apêl ar ôl hynny.

Os bydd eich ysgol neu goleg yn gwneud ymholiad am ganlyniad un o'ch arholiadau ar ôl i'ch gradd yn y pwnc gael ei chyhoeddi ac unrhyw apêl ar ôl hynny, gall tri pheth ddigwydd:

- Bydd eich marc gwreiddiol yn cael ei ostwng, felly gallai eich gradd derfynol fod yn is na'r radd wreiddiol a gawsoch.
- Bydd eich marc gwreiddiol yn cael ei gadarnhau, felly nid oes unrhyw newid i'ch gradd.
- Bydd eich marc gwreiddiol yn cael ei godi, felly gallai eich gradd derfynol fod yn uwch na'r radd wreiddiol a gawsoch.

Er mwyn mynd ymlaen â'r ymholiad am ganlyniadau, rhaid i chi lofnodi'r ffurflen isod. Mae hyn yn dweud wrth bennaeth eich canolfan eich bod wedi deall beth allai ddigwydd, a'ch bod yn cydsynio i gyflwyno'r ymholiad am ganlyniadau.

Ffurflen cydsyniad yr ymgeisydd

Rhif y ganolfan	Enw'r ganolfan
Rhif yr ymgeisydd	Enw'r ymgeisydd

Manylion yr ymholiad (Corff Dyfarnu, lefel y Cymhwyster, teitl y Pwnc, papur/uned)

.....
.....

Yr wyf yn cydsynio i bennaeth fy nghanolfan arholi wneud ymholiad am ganlyniad yr arholiad(au) a restrwyd uchod. Wrth gydsynio yr wyf yn deall y gallai'r radd derfynol yn y pwnc sy'n cael ei dyfarnu i mi ar ôl ymholiad am y ganlyniad ac unrhyw apêl ddilynol fod yn is, yn uwch neu'r un peth â'r radd a ddyfarnwyd yn wreiddiol am y pwnc hwn.

Llofnod: Dyddiad:

Dylid cadw'r ffurflen hon yn ffeillau'r ganolfan am o leiaf chwe mis yn dilyn canlyniad ymholiad am ganlyniadau neu unrhyw apêl sy'n cael ei wneud ar ôl hynny.

ATODIAD B



AQA City & Guilds CCEA OCR Pearson CBAC

DYCHWELYD SGRIPTIAU

Ffurflen cydsyniad yr ymgeisydd i ddefnyddio sgriptiau arholiad

Rhif y ganolfan	Enw'r ganolfan
Rhif yr ymgeisydd	Enw'r ymgeisydd
Pwnc	Cod y Gydran/Uned

Ticiwch UN o'r blychau isod:-

- Os bydd unrhyw un o'm sgriptiau yn cael eu defnyddio yn yr ystafell ddosbarth nid wyf yn dymuno i unrhyw un wybod mai fy sgriptiau i ydynt. Rhaid dileu fy enw a'm rhif ymgeisydd.

- Os bydd unrhyw un o'm sgriptiau yn cael eu defnyddio yn yr ystafell ddosbarth nid wyf yn gwrthwynebu os yw pobl eraill yn gwybod mai fi ysgrifennodd y sgriptiau.

Llofnod: Dyddiad:

Dylid cadw'r ffurflen hon yn ffeiliau'r ganolfan.



AQA

City & Guilds

CCEA

OCR

Pearson

CBAC

Canllaw i'r gwasanaeth Dychwelyd Sgriptiau

Sut caiff sgriptiau eu marcio?

Gall sgriptiau naill ai gael eu marcio yn y dull traddodiadol neu ar-sgrin.

Pan fydd sgriptiau'n cael eu marcio ar-sgrin, bydd sgriptiau'n cael eu casglu o'r canolfannau, gan ddefnyddio system ddiogel y gellir ei holrhain, ac yn cael eu danfon i ganolfan sganio lle byddant yn cael eu sganio ar system gyfrifiadur er mwyn cynhyrchu delwedd o atebion yr ymgeisydd. Bydd y delweddau wedi'u sganio o'r sgript wedyn yn cael eu gwahanu'n 'glipiau' fesul cwestiwn (neu rannau o gwestiynau) yn ôl y broses farcio sy'n briodol. Gellir prosesu'r ffeiliau hyn gan gyfrifiadur a'u trosglwyddo ar y rhyngwyd.

Mae trosglwyddiad ffeiliau electronig dros y rhyngwyd wedi'i warchod gan y dechnoleg amgryptio ddiweddaraf, sy'n debyg i'r hyn a ddefnyddir mewn systemau bancio modern.

Bydd y dull gorau ar gyfer pob 'clip' yn cael ei ddethol ar ôl i'r cwestiynau gael eu gosod a'r dull o farcio'n cael ei ddyrannu'n unol â hyn.

Bydd cwestiynau sydd ag atebion cymhleth yn cael eu dyrannu i arholwr arbenigol fydd yn arbenigwr pwnc; gall marciwr cyffredinol farcio cwestiynau gydag un ateb cywir gan ddefnyddio cynllun marcio caeth; bydd modd marcio cwestiynau sy'n gofyn am atebion un llythyren, un gair neu dicio blwch yn awtomatig gan gyfrifiadur.

Pan fydd sgriptiau'n cael eu marcio yn y dull traddodiadol, byddant yn cael eu casglu o'r canolfannau, gan ddefnyddio system ddiogel y gellir ei holrhain, a'u danfon i'r arholwyr unigol a fydd yn marcio'r copi caled ac yn dychwelyd marciau a'r sgriptiau i'r corff dyfarnu i'w prosesu.

Gweithdrefnau Sicrhau Ansawdd

Waeth pa ddull marcio sy'n cael ei ddefnyddio, bydd pob sgript yn mynd trwy nifer o weithdrefnau sicrhau ansawdd. Caiff y gweithdrefnau hyn eu rheoleiddio gan *God Ymarfer TGAU*, *TAG*, *Prif Ddysgu a Phroject* y bydd y rheoleiddwyr yn ei gyhoeddi ac y mae'n rhaid i bob corff dyfarnu ei ddilyn.

Caiff pob sgript ei farcio gan arholwr fydd yn cael ei ddewis ar sail ei g/chymwysterau a phrofiad. Bydd pob arholwr yn derbyn hyfforddiant ar sut i weithredu'r cynllun marcio. Yn ystod y cyfnod marcio bydd gwaith pob arholwr yn cael ei wirio o leiaf ddwywaith gan arholwr hŷn. Gall y broses fonitro hon olygu bod rhai marciau ar sgriptiau'n cael eu newid. Bydd pob tudalen ar sgript yn dangos tystiolaeth ei bod wedi'i gweld a'i marcio.

Yn achos marcio ar-sgrin, bydd arholwyr a marcwyr yn darllen y cwestiynau neu'r eitemau ar-sgrin ac yn penderfynu ar y marciau. Bydd safon yr arholwyr a'r marcwyr yn cael ei gwirio trwy gydol y cyfnod marcio.

Cynllun Marcio

Yn achos pob cydran ysgrifenedig, bydd copi o'r cynllun marcio ar gael trwy wefan y corff dyfarnu ar ôl i ganlyniadau'r gyfres dan sylw gael eu cyhoeddi. Bydd cyfeirio at y cynllun marcio'n dangos sut mae'r corff dyfarnu wedi cyrraedd y marc terfynol ar gyfer pob sgrïpt.

Defnyddio inc lliw ar sgrïptiau wedi'u marcio yn y ffordd draddodiadol

Mae Arholwyr yn defnyddio inc coch. Mae Arholwyr Hÿn yn defnyddio inc lliw gwahanol. Mae hyn yn helpu corff dyfarnu i fonitro'r broses farcio. Bydd rhai sgrïptiau felly wedi'u marcio mewn inc o fwy nag un lliw. Gallai'r gwiriad clerigol o sgrïptiau (gweler isod) fod mewn trydydd lliw, neu mewn pensil. Os byddwch yn gofyn am gopiau o sgrïptiau, ni fyddwch yn gallu dweud y gwahaniaeth rhwng y gwahanol farcio.

(Yn achos sgrïptiau sydd wedi'u marcio ar-sgrin, bydd copi o'r ddelwedd wedi'i sganio'n cael ei ddarparu i'r canolfannau. Mewn rhai achosion, bydd trawsgrifiad yn cael ei anfon gyda'r ddelwedd wedi'i sganio sy'n dangos y marciau a ddyfarnwyd am bob eitem cwestiwn a'r cyfanswm marciau am y papur.)

Sylwadau ar sgrïptiau wedi'u marcio yn y ffordd draddodiadol

Lle bo'n briodol gwneud hynny, efallai y bydd arholwyr yn ysgrifennu sylwadau ar sgrïptiau'n nodi sut mae ymgeiswyr wedi bodloni gofynion y cynllun marcio. Gofynnir i arholwyr gyfeirio sgrïptiau at arholwr hÿn os ydynt yn amau sut i weithredu'r cynllun marcio. Efallai y bydd nodyn i'r perwyl hwn wedi'i gynnwys ar y sgrïpt.

(Nid yw sgrïptiau sydd wedi'u marcio ar-sgrin yn dangos unrhyw sylwadau pan fyddant yn cael eu dychwelyd i'r canolfannau.)

Gwiriadau clerigol

Caiff y sgrïptiau eu gwirio i sicrhau nad oes unrhyw wallau o ran y cyfansymu a bod y sgrïpt i gyd wedi'i marcio. Bydd newidiadau i'r cyfanswm marciau'n cael eu dangos pan fydd gwallau o'r fath wedi'u canfod.

Pan fydd sgrïptiau'n cael eu marcio ar-sgrin, nid oes angen gwneud unrhyw wirio clerigol gan fod y cyfrifiadur yn cyfansymu'r marciau am gwestiynau ac eitemau.

Marciau am Ansawdd y Cyfathrebu Ysgrifenedig

Mae'n ofynnol yn ôl y *Cod Ymarfer* i farciau gael eu dyfarnu am ansawdd y cyfathrebu ysgrifenedig yn y rhan fwyaf o bynciau. Bydd marciau o'r fath naill ai'n cael eu cofnodi ar wahân ar sgrïptiau neu'n cael eu dangos yn glir ar y cynllun marcio.

Marciau am Sillafu, Atalnodi a Gramadeg

Bydd pump y cant o'r cyfanswm marciau crai sydd ar gael mewn papurau arholiad ysgrifenedig sy'n cael eu hasesu'n allanol yn cael eu rhoi am gymhwyso Sillafu, Atalnodi a Gramadeg. Y pynciau hyn yw TGAU Llenyddiaeth Saesneg, Daeryddiaeth, Hanes ac Astudiaethau Crefyddol.

Gellir cofnodi'r marciau hyn ar wahân ar sgrïptiau.

Anodiadau eraill ar sgrïptiau wedi'u marcio yn y ffordd draddodiadol

Gall rhai sgrïptiau gynnwys arwyddion pellach o farcio, gwirio neu brosesau gweinyddol eraill, e.e. arholwyr wedi'u harwyddo, rhifau arholwyr neu stampiau inc megis "BYSELLWYD/KEYED IN". Bydd methu â dilyn y cyfarwyddiadau (e.e. ateb gormod o gwestiynau) fel arfer yn cael ei nodi felly.

Newidiadau arholwr

Bydd monitro arholwyr gan arholwyr hŷn yn penderfynu a yw marcio pob arholwr yn gyson, ac yn nodi a oes unrhyw haelioni neu lymder i'r marcio. Pan fydd tystiolaeth o haelioni neu lymder, efallai y bydd marcïau'n cael eu newid. Ni fydd y newidiadau hyn yn cael eu dangos ar y sgrïptiau. O ganlyniad, efallai na fydd y marc ar y sgrïpt yr un peth â'r marc terfynol sydd wedi'i ddyfarnu am y papur sydd fel arfer yn cael ei adrodd yn ôl i'r ysgol neu'r coleg gyda'r canlyniadau. Y marc sy'n cael ei ddal yng nghronfa ddata'r corff dyfarnu yw'r un sy'n mynd tuag at ganlyniad cyffredinol yr ymgeisydd.

Pan fydd sgrïptiau'n cael eu marcio ar-sgrin, bydd y marcio'n cael ei fonitro gan arholwr hŷn a'i newid ar y pryd.

Ystyriaeth Arbennig

Pan fydd ysgol neu goleg wedi gofyn am roi ystyriaeth arbennig i ymgeisydd, gall y corff dyfarnu ganiatáu marc neu farciau ychwanegol. Ni fydd newid o'r fath yn cael ei ddangos ar y sgrïpt ac, o ganlyniad, efallai na fydd y marc ar y sgrïpt yr un peth â'r marc am y papur sy'n cael ei adrodd gyda'r canlyniadau. Y marc sy'n cael ei ddal yng nghronfa ddata'r corff dyfarnu yw'r un sy'n mynd tuag at ganlyniad cyffredinol yr ymgeisydd.

Pwysoli Marcïau Papur

Yn achos papurau unigol gellir graddoli'r marc cyfanswm sy'n cael ei ddangos ar y sgrïpt. Er enghraifft, efallai y bydd papur yn cael ei farcio allan o 100, ond bod ganddo 25% o'r cyfanswm marcïau am y pwnc. Efallai y bydd y marc allan o 100 wedi'i raddoli i adlewyrchu cyfraniad y papur at farc cyfanswm y pwnc. Bydd marc terfynol pob papur, sy'n cael ei ddefnyddio gan y corff dyfarnu i gyfrifo cyfanswm marcïau'r ymgeisydd am y pwnc, fel arfer wedi'i ddarparu i'r ysgol neu goleg gyda'r canlyniadau.

Graddfa Marcïau Unffurf

Caiff marcïau am bapurau cwestiynau sy'n rhan o gynllun asesu unedol eu hadrodd yn nhermau graddfa marcïau unffurf. Bydd y marc sy'n cael ei adrodd yn ôl y raddfa marcïau unffurf yn wahanol i'r marc fydd yn cael ei ddangos ar y sgrïpt yr ymgeisydd. Mae mwy o fanylion am ddefnyddio marcïau GMU ar gael ar wefanau'r corff dyfarnu.

Ymholiadau

Ni all y corff dyfarnu gynnal unrhyw ohebiaeth ag ymgeiswyr na'u rhieni/gwarcheidwaid ynglŷn â sgrïptiau arholiad wedi'u marcio. Mae'r corff dyfarnu'n gweithredu gwasanaeth ymholiadau am ganlyniadau er mwyn adolygu marcio a gwirio sgrïptiau ar ôl cyhoeddi'r canlyniadau. **Rhaid** i unrhyw ymholiadau fod yn rhan o'r broses ymholiad ffurfiol am ganlyniadau hon a rhaid eu cyflwyno gan y ganolfan y bydd ganddi fanylion llawn y gwasanaethau sydd ar gael a'r gost.

Atodiad Ch

Cwestiynau Cyffredin

1. Pa wasanaeth sydd ei angen arnaf?

1.1 Yr wyf ond am weld sgrïpt yr ymgeisydd, nid wyf am gael adolygiad o'r marcio

Dylech ofyn am **sgrïptiau i gefnogi addysgu a dysgu**.
(Gweler Adran 8.5, tudalen 14, am fanylion.)

1.2 Yr wyf am weld sgrïpt er mwyn penderfynu a wyf am gael adolygu ei farcio

Dylech ofyn am **gopi blaenoriaethol o'r sgrïpt**. Ni allwch wneud hyn ar gyfer sgrïptiau TGAU a Lefel 1 a 2 Prif Ddysgu. Dim ond ar gyfer sgrïptiau TAG a Lefel 3 Prif Ddysgu y gallwch wneud hyn.
Os ydych am gael yr opsiwn hwn, gweler Adran 8.4, tudalen 14, am fanylion.

1.3 Mae lle mewn Addysg Uwch yn y fantol – pa wasanaeth ddylwn ei ddefnyddio?

Dylech ofyn am **YAG Gwasanaeth 2 Blaenoriaethol, gweler adran 6.3.3, Tudalen 7**. Dylech ddefnyddio'r gwasanaeth hwn gan mai dim ond **tan 21 Awst 2015** sydd gennych i wneud cais am YAG Gwasanaeth 2 Blaenoriaethol. **Noder na allwch ofyn am gopi blaenoriaethol o'r sgrïpt.**

1.4 Os byddaf yn gofyn am ddychwelyd sgrïpt (nid copi) ydw i'n cael ei defnyddio i wneud penderfyniad am gael adolygiad marcio ai peidio?

Na. Yn gyntaf, nid yw cyrff dyfarnu'n anfon sgrïptiau allan i gefnogi addysgu a dysgu tan i'r dyddiad cau ymholiadau am ganlyniadau fynd heibio. Yn ail, pan fydd sgrïpt wreiddiol ym meddiant canolfan, mae ei diogelwch wedi'i gyfaddawdu ac ni ellir wedyn ei derbyn am adolygiad marcio.

1.5 Yr wyf am weld sgrïpt ar ôl i'r marcio gwreiddiol gael ei adolygu.

Dylech ofyn am Wasanaeth 2 (adolygiad o'r marcio) neu Wasanaeth 2 Blaenoriaethol (adolygiad blaenoriaethol o'r marcio) a gwneud yn siŵr eich bod yn **gofyn am gopi** wrth gyflwyno eich ymholiad. Bydd y sgrïpt yn cael ei hadolygu a'r copi'n cael ei anfon atoch pan fydd y gwasanaeth wedi'i gwblhau.

Argymhellir yn gryf nad ydych yn gofyn am adolygiad o'r marcio, ac yna'n gofyn ar wahân am ddychwelyd sgrïpt i gefnogi addysgu a dysgu.

2. Cysylltwch â'r corff dyfarnu os gwnaed y canlynol:

2.1 Gofynnwyd am Wasanaeth 2 (adolygiad o'r marcio) ond ni ofynnwyd am gopi o'r sgrïpt wedi'i adolygu ar y pryd.

2.2 Gofynnwyd am ddychwelyd sgrïpt er mwyn addysgu a dysgu, ond Gwasanaeth 2 (adolygiad o'r marcio) oedd ei angen mewn gwirionedd.